



MFA ta alivia e presion y mehora e servicio y esfera di Hulpbestuurskantoor pa ciudadano den cada bario

cu tabata urgi atencion.

Minister President a indica: "Si bo mira con ocupa aworaki e edificio di Hulpbestuurskantoor di Paradera ta pa motibo cu esun cu e

Hulpbestuurskantoor di Santa Cruz mester haci reparacion na e dak, bo ta mira cuanto di nos ciudadano di bario ta haci uzo di e Hulpbestuurskantoor." Den su funcion, e MFA ta bira e sede nobo di Hulpbestuurskantoor den e barionan di Noord, Paradera, Santa Cruz, Savaneta y San Nicolas. "E vision cu nos a presenta algun aña pasa y cu nos a cuminsa traha riba dje, awor ta birando realidad. Nos a inverti hopi tempo tog den haci e edificionan aki un refleho di e necesidatnan di e bario," asina e mandatario a señalá splicando cu no a sin mas bisa un arquitecto cuminsa e trabou.

Gobierno a haci prome un estudio di loke t'e necesidatnan actual den un Hulpbestuurskantoor. A tuma nota cu no ta solamente pago di recibo, pero tin hopi interes pa cierto documentacion cu tabata haci na Censo. Pa tal motibo, durante e añanan cu a pasa Gobierno a inverti tempo den haci posibel cu cinco documento nobo a bira obtenibel n'e oficinanan auxiliar. E cambio aki, di un banda a amplia e servicio na Hulpbestuurskantoor y alivia e peso di Censo mientras cu na mesun momento a trece e servicio mas cerca di e ciudadanonan den bario, pero di otro banda a aumenta e presion riba e oficinanan auxiliar. Visiblemente a afecta e capacidad di e facilidad y personal di cada Hulpbestuurskantoor. Pesey nos a cuminsa pensa con pa modernisa y amplia e facilidad den cual e ta ubica y haci nan multifuncional di biaha.

DIALUNA ultimo e construccion di e MFA na Paradera a inicia. Esaki ta bira e di dos edificio MFA, despues di Noord, den e cinco cu Gabinete Mike Eman tin planea pa realisa rond di Aruba. Un di e caracteristicanan principal di e MFA ta cu e ta bira cas pa personal y servicio di e actual Hulpbestuurskantoor. Prome Minister Mike Eman a splica cu e dimension di e MFA, ademas di facilita e espacio pa mehora e calidad di servicio n'e ciudadano, ta trece otro aspectonan cu ne.

"Nos ta contento cu awe nos por a inicia e trabounan p'e edificio multifuncional di Paradera cu ta ubica e Hulpbestuurskantoor di Paradera," el a declara. Asina tambe e Hulpbestuurskantoor pa busca documento y paga recibo ta keda den pasado, pa wak dilanti riba un MFA cu ta ademas di esey, tambe ta un centro pa fomenta y sostene e desaroyo di e comunidad y e contacto social. Oficinanan Auxiliar di Gobierno, mihor conoci como Hulpbestuurskantoor, ta un concepto cu a nace na inicio di decada 90 cu e obhetivo principal di expande e servicio na becindarionan cu no ta den cercania di centro di Gobernacion. Sinembargo, e Hulpbestuurskantoor no tabata prepara pa maneha e crecimiento substancial di poblacion di nos isla y den apenas transcurso di dos decada, a yega y surpasa nan limite di capacidad. Esaki ta un realidad cu Gobiernonan anterior no a atende, pero cu pa Gabinete Mike Eman ta indiscutiblemente un situacion

Gabinete Mike Eman a pensa no unicamente cu e Hulpbestuurskantoor ta muda na e edificio aki, pero tambe ta crea circunstancianan cu ta hopi mas placentero pa esnan cu ta busca servicio. "Circunstancia por ehempel caminda e esfera ta bira uno hopi agradabel; caminda bo por sinta, traha cu number y mientras bo ta warda por wak revista," Prome Minister Mike Eman a splica, añadiendo cu "henter famia por baha

paso tin un lobby grandi, tin biblioteca caminda muchanan por mantene nan mes ocupa, sea cu nan a bin cu nan mayornan pa haci servicio, of simplemente despues di scol si muchanan ta busca un luga trankilo pa studia.

Ademas cu cada MFA ta conta cu espacionan disponibel pa biblioteca, computer of djs estudio, tambe lo tin sala di reunion cu e diferente organisacion, fundacion y

gruponan den e bario, por haci uzo di dje. Otro di e caracteristicanan nobo di e concepto MFA ta atencion pa fomenta e contacto social, caminda paden tin cafeteria y pafo luganan pa sinta y combersa. E gama di servicio y facilidad pa e publico ta crece tambe cu presencia di mas instancianan di servicio manera AZV, WEB y FCCA caminda e ciudadano por atende su asuntonan sin tin mester di bay hopi leu di cas.